

793—796?

DILECTISSIMO IN CHRISTO PATRI PETRO ARCHIEPISCOPO¹ ALBINUS AETERNAE
BEATITUDINIS IN CHRISTO^a SALUTEM.

Memor dulcissimae humilitatis et dilectionis vestrae ingemisco absentiam illius, cuius caritatis flamma in corde ardescit filii^b. Quanta est huius saeculi infelicitas, quae tam caros disiungit amicos, quae filium separat^c a patre. O si pennas aquilae habuissem, ut altitudines^d Alpium velocior Euro² transvolare valuissem^e, quam cito ante paternos stetissem pedes, ut refrigerarem^f ex paterna visione pectoris mei ardorem.

Sed quia hoc fieri non valet, induamur^g nos duplicis^h caritatis pennis: simus in Christo semper praesentes, qui sumus in seculo absentes. Quid est caritas, nisi unitas animorum; dicente ipsa veritateⁱ, dum pro suis^k oraret^l ad patrem: 'Pater conserva eos in nomine tuo, quos dedisti mihi, ut sint unum, sicut et nos unum sumus'? Ego vero filius tuus obsecro te per eius misericordiam, qui haec dixit, ut in sanctissimo paternae memoriae^m thesauro filii tui Alchviniⁿ nomen habeas reconditum, et inter dignissimas Deo oblationes orationum tuarum vel semel ore proferas.

Quanta tibi, pater optime, apud pietatis remuneratorem deum^o Christum remanet merces, si me peccatorum ponderibus praegravatum ab iniquitatis oneribus^p paternae misericordiae^q praecibus sublevare coneris. Fateor me tantae auctoritatis degenerem^r esse filium; tamen iunioris filii, qui a patre in longinquam recessit regionem, roboratus exemplo audeo dicere: 'Pater peccavi in caelum et coram te; ideo non sum dignus vocari filius tuus'. Et te credo paternae memorem pietatis laetis revertenti^s occurrisse^t amplexibus: prudentiam quoque tuam recordari beatissimi^u Iob pro filiis devotionis, qui cotidie pro illorum^v prosperitate Deo sacrificia offerre studuit^w, valde desiderans, quos^x saeculo genuit, Deo enutrire. Ideo in^y omnibus temptationibus, tamquam aurum in fornace^z, probatus inventus est. Laus enim patris in salute exstat^a filiorum, et merces^b pastoris in multiplicatione gregis^c adcrecit. Nam et ipse princeps pastorum post resurrectionis gloriam beato Petro ob^d confessionis trinae in suo amore soliditatem^e pascendas oves, quas pio redemit sanguine, commendavit.

Tuum est, pater sancte, absentes precibus adiuvere, praesentes verbis erudire, exemplis confortare, ut paterna pietas et pastoralis devotio omnibus prosit in salutem. Patres igitur^f filiis thesaurizare solent^g: tu vero beatitudinis^h thesauros tuisⁱ relinque nepotibus, ut per longas ecclesiasticae eruditionis series caelestis regni gloria tibi semper augeatur.

Opto, si fieri valeat, quatenus me tuae paternitatis litteris reficias, ut aviditatis meae oculis legam, quod auribus audire voluissem, si forte fieri valuisset^k. Concessum est^l enim humano generi pectoris^m arcana cartis mandare et litteris innotescere tacentibusⁿ quod lingua non valet loquente^o. Nam et beatus Paulus apostolus absentes filios pia ammonitione^p saepius^q erudire solebat, ut cotidiana litterarum lectio

a) in Christo om. K, A 1*. b) fili K 1, A 1*. c) separat K 2. d) altitudines K 2. e) volu-
issem T. f) refrigerer T; refrigerarer K. g) corr. in -mus A 1*. h) duplices K 1; duplici K 2.
i) caritate T. k) sui K 2. l) orat K 1. m) memoriae et K 2. n) Alcuini K 1, A 1*. o) domi-
num K 1, A 1*. p) onere A 1*; onere praegravatum (iterum) K. q) misericordie K 2.
r) degenera K 2. s) reverenti T. t) occurrurum A 1*. u) beatissimae T; beatissime K 2. v) pro
ill. quot. A 1*. w) studivit T. x) quae T. y) om. K 1. z) fornaciae T. a) stat A 1*;
exstat K 2. b) mercis T. c) regis T. d) om. K 1. e) solidatum K 1. f) licet A 1*.
g) soleant A 1*. h) beatissimos K 1. i) tuisque T. k) voluisset T; corr. in valuisset A 1*; valuisset
K 1. l) om. K 2. m) peccatoris A 1*. n) tacentis K 1, A 1*. o) loqui K 1, A 1*. p) pia
ammonitionis T, K; piis ammonitionibus Querc. q) om. K 1, A 1*.

1) Mediolanensi 784—803, quocum Alcvinus convenit in synodo Francofurti a. 794. habita.
Obiit 15. die mensis Maii. 2) Poet. Carol. I, 257 v. 45 (ad Candidum): velocior Euro, cf. Aen. VIII,
223; XII, 733: ocior Euro.